


十誦律

牙十三

三百十一
從三

49857



British Library
London

十誦律卷第十三

姚秦三藏弗若多羅共三藏鳩摩羅什譯

第二誦之七

九十波逸提之五

佛在舍衛國介時有一婆羅門有女眯眼即
名眯眼瞿家遣使來迎時女父母婆羅門言

小待作煎餅竟送時世飢儉是婆羅門勤苦
求煎餅具作餅跋難陀釋子常出入其家語

其大衆言隨所入舍汝等皆隨我入我若
得食汝等亦次第得時跋難陀釋子中前者
衣持鉢入婆羅門舍與坐處共相問訊樂不
樂坐已是婆羅門一心恭敬問訊跋難陀跋

從



難陀是大法師有樂說辯才爲說種種妙法
主人得法味故作是言大德無有羹飯能噉
是餅不荅言汝等尚噉我何以不噉即與滿
鉢餅持出第二第三比丘亦如是時餅噉皆
空瞿家復更遣使喚眯眼女婆羅門還遣使
荅言小待作餅竟送更求煎餅具時跋難陀
釋子復共徒衆來爲說種種法已復持餅去
瞿家第三復遣使來喚眯眼女是婆羅門復
荅言小待作煎餅竟送時瞿疑瞋言是或不
復來彼便娶婦遣使語言我已娶婦汝莫復
來婆羅門聞是語愁憂瞋言沙門釋子乃介
不知狀足施者不知量受者應知量我女瞿

先相愛念以是因緣故今便棄去是人瞋恨
不能自忍到祇洹向佛所欲說跋難陀比丘
事尔時佛與百千万衆圍繞說法漸漸近佛
佛以慈心力故彼瞋即除到佛所作是言世
尊無有是法女人所貴重物我睽眼女今已
失去佛為種種因緣說法示教利喜示教利

喜已默然婆羅門聞佛種種因緣說法示教
利喜已頭面禮佛足右遶而去去不久佛以
是事集比丘僧知而故問跋難陀汝實作
是事不答言實作世尊佛種種因緣呵責
云何名比丘不知時不知量不知法若施者
不知量受者應知量佛但呵責而未結戒

佛在舍衛國。爾時舍衛城中有估客衆。用沸
星吉日欲出行他國。有一估客是跋難陀。釋
子常出入其舍。時跋難陀中前著衣持鉢。到
其舍與坐處。共相問訊。樂不樂坐。已估客一
心恭敬。問訊跋難陀。跋難陀是大法師。有樂
說辯才。爲說妙法。是人得法味。故言大德無
有羹飯。但有行糧。麩能噉。不荅言。汝等尚能
噉我。何以不能。即與麩持出。第二第三比丘
亦如是。估客麩器皆空。是估客往語估客主。
言我所有行糧。沙門釋子悉持去。盡小待我。
更作糧食。估客主言。諸估客欲沸星吉日去。
去。何得住。汝但辦糧。徐徐後來。諸估客在前。

去者衆多賊不敢發是一估客辦糧已與少
伴共入嶮道賊發奪物殺是估客如是名聲
流布諸國作是言釋子比丘食他行糧是估
客嶮道中爲賊所殺一人語二人二人語三人
如是展轉相語諸沙門釋子比丘惡名流布
滿舍衛城是中有比丘少欲知足行頭陀聞
是事心不喜向佛廣說佛以是事集比丘僧
知而故問跋難陀汝實作是事不答言實作
世尊佛以種種因緣呵責云何名比丘不知
時不知量不知法若施者不知量受者應知
量去何令是估客嶮道中爲賊所殺種種因
緣呵已語諸比丘以十利故與諸比丘結戒

從今是戒應如是說若比丘往白衣家自恣
請多與餅麩諸比丘須者應二三鉢取過是
取者波逸提二三鉢取已出外與餘比丘共
分是事應尔家者白衣舍名爲家請多與者
數數與餅者小麦麵作大麦麵作粳米麵作
重華餅小重華餅如是比諸清淨餅麩者稻
麩麦麩鉢者有三種上中下上鉢者受三鉢
他飯一鉢他羹餘可食物半羹下餘者受一
鉢他飯半鉢他羹餘可食物半羹若上下中
是名中鉢出外與餘比丘共分者謂眼所見
波逸提者者煮燒覆障若不悔過能障礙道是
中犯者若比丘以上鉢取者應取一鉢不應

取二鉢若取二鉢波逸提若以中鉢取者極
多取二鉢不應取三若取三者波逸提若以
下鉢取者極多取三鉢不應取四鉢若取四
者波逸提出外見比丘與者善不與者突吉

羅

三十
三竟

佛在舍衛國介時長老迦留陀夷於夜暗時
有小雨墮雷聲電光中入白衣家乞食時是
家中有一洗器女人於電光中遙見迦留陀
夷身黑見已驚怖身毛皆豎即大喚言鬼來
鬼來以怖畏故即便墮胎迦留陀夷言姊妹
我是比丘非鬼也乞食故來時女人瞋以惡
語麁語不淨語苦語語比丘言使汝父死

母死種姓皆死使是沙門腹破禿沙門斷種
人著黑弊衣何不以利牛舌刀自破汝腹乃於
是夜暗黑雷電中乞食汝沙門乃作尔許惡
我兒墮死令我身壞迦留隨夷於是家起如
是過惡故即便出去以是事向諸比丘說諸
比丘以是事向佛廣說佛以是事集比丘僧
知而故問迦留隨夷汝實作是事不荅言實
作世尊佛以種種因緣呵責云何名比丘非
時入白衣家乞食佛言若比丘非時入白衣
家何但得如是過罪當復更得過於是罪從
今諸比丘應一食尔時諸比丘以一食故羸
瘦無色無力佛見諸比丘羸瘦無色力知而

故問阿難諸比丘何故羸瘦無色力阿難答
言世尊結戒諸比丘應一食一食故諸比丘
羸瘦無色力佛以是事集比丘僧種種因緣
讚戒讚持戒讚戒讚持戒已語諸比丘從今
聽噉五種法陀尼自恣食五種者謂根莖葉
磨葉余時諸比丘入王舍城乞食食時有白
衣以蘿菘葉胡荽葉蘿勒葉雜食與諸比丘
諸比丘不食故不得飽滿復更羸瘦無色無
力佛知故問阿難何故諸比丘羸瘦無色無
力阿難答言世尊聽諸比丘噉五種法陀尼
諸比丘入王舍城乞食時有白衣以蘿菘葉
胡荽葉蘿勒葉雜食與諸比丘諸比丘不噉

不得飽故羸瘦無色無力佛聞已語諸比丘
從今日聽自恣食五種菩闍尼食謂飯麩糲
魚肉是諸比丘入王舍城乞食時諸白衣以
蘿菔葉胡荽葉蘿勒葉雜食與諸比丘諸比
丘不食復不飽故羸瘦無色無力佛見諸比丘
羸瘦無色力知而故問阿難何故諸比丘羸
瘦無色無力阿難荅言世尊聽食五種菩闍
尼食諸比丘入城乞食時得蘿菔葉胡荽葉
蘿勒葉雜食與諸比丘諸比丘不食復不飽
故羸瘦無色無力佛言從今聽自恣食五種似
食及隨所雜所謂糜粟麩麥莠子飯加師飯
佛在維耶離時有一居士到佛所頭面作

禮足一面坐佛見居士一面坐已與說種種法
示教利喜示教利喜已默然是居士聞佛種種
因緣示教利喜已從座起合掌言願佛及僧受
我明日食佛默然受居士知佛默然受已即禮佛
足右繞而去還歸自舍通夜辦種種多美飲食晨
起敷座處遣使白佛食具已辦佛自知時諸比
丘僧往居士舍佛自房仁迎食分居士知衆僧
坐已自手行水自與種種多美飲食自恣飽滿
尔時維耶離諸比丘多有看病比丘先於僧
中食竟迎病比丘食分去諸病比丘有食者
有不食者有少食者是看病比丘先已食從
坐處起更不得食諸病比丘多有殘食棄僧

坊內是時多有烏鳥來噉是食作大音聲佛
聞寺內多有烏鳥聲知而故問阿難何故僧
坊內多有烏鳥聲阿難答言世尊是維耶離
諸比丘多有病有看病比丘先於僧中食竟迎
病比丘食分來諸病比丘有食者有不食者
有少食者是看病比丘先已食從座處起更
不得食諸病比丘多有殘食棄僧坊內有烏
鳥來噉是食故作大音聲佛以是事集比丘
僧種種因緣讚戒讚持戒讚戒讚持戒已語
諸比丘從今以二利故聽受殘食法一者看
病比丘因緣故二者比丘有因緣食不足故
以十利故與諸比丘結戒從今是戒應如是

說若比丘食竟起去不受殘食法若噉食者
波逸提噉者五種佉陀尼食者五種菩闍尼
五種似食波逸提者煮燒覆障若不悔過能
障礙道是中犯者若比丘食竟從座起去不
受殘食法若噉根食波逸提若噉莖華磨菓
皆波逸提若比丘食竟起去不受殘食法若

食飯者波逸提若食麩糲魚肉皆波逸提若
比丘食竟從座起去不受殘食法若食糜飯
粟飯麩麥飯莠子飯加師飯皆波逸提從今
聽受殘食法諸比丘不知云何受佛語諸比
丘欲受殘食法者隨所能食多少盡著鉢中
知餘比丘食未竟未起者從是人邊偏袒胡

跪捉鉢三長老憶念與我作殘食法若前比丘不
多少取是食者不名作殘食法若用是受殘食法
若噉若食波逸提若持鉢著地受殘食法者不
名受殘食法若用是受殘食若噉若食波逸提
若以鉢著膝上受殘食法者不名爲受若用
是受殘食法者若噉若食皆波逸提若相去遠
手不相及受殘食法者不名爲受殘食法若
用是受殘食法者若噉若食波逸提若以不淨
食受殘食法者不名爲受殘食法若用是受殘
食法者若噉若食波逸提若以不淨肉受殘
食法者不名爲受若用是受殘食法者若噉
若食波逸提若比丘欲噉五種佉陀尼時

用五種菩闍尼受殘食法者不名爲受若用
是受殘食法若噉若食波逸提若欲食五
種菩闍尼食時用五種佉陀尼受殘食法者
不名爲受若用是受殘食法若噉若食波逸
提若欲食五種似食時用五種菩闍尼受殘
食法者不名爲受若用是受殘食法若噉若
食皆波逸提若比丘受殘食法若食餘五種
食來若噉一一突吉羅長老優波離問佛言
世尊比丘有幾處行時自恣幾任幾坐幾卧
佛告優波離有五處比丘行時自恣五處立
五處坐五處卧行有五者知行知供養知遮
食知種種食壞威儀立有五者知立知供養

知遮食知種種食壞威儀坐有五者知坐知
供養知遮食知種種食壞威儀卧有五者知
卧知供養知遮食知種種食壞威儀佛復語
優波離若比丘行洗口時有檀越與比丘五
種食比丘應噉應食應行受殘食法不應立
不應坐不應卧若立坐卧當知壞威儀不應
受殘食法若受者不名爲受若用是受殘食
法若噉若食皆波逸提若比丘彼行洗口已
有檀越與五種食比丘應噉應食應行受殘
食法不應立不應坐不應卧若立坐卧當知
壞威儀不應受殘食法若受者不名爲受若
用是受殘食法若噉若食波逸提若比丘彼

行食時有檀越與五種食比丘應噉應食應
行受殘食法不應立不應坐不應卧若立坐
卧當知壞威儀不應受殘食法若受者不名
爲受若用是受殘食法若噉若食波逸提

若比丘彼行食已有檀越與五種食比丘應噉
應食應行受殘食法不應立不應坐不應卧若
立若坐卧當知壞威儀不應受殘食法若受者
不名爲受若用是受殘食法若噉若食波逸提
若立坐卧亦如是不犯者若比丘言小住若言

日時早若歠粥飲食若一切中嚼食不犯

三十四
事竟

佛在舍衛國介時憍薩羅國一住處有二比
丘是一比丘破戒缺漏無有慙愧不護細戒

第二比丘持戒清淨乃至小罪生大怖畏是清淨比丘見彼犯罪常語彼言汝今犯如是如是罪破戒比丘作是念我當何時見汝犯罪我當出之破戒比丘一時見持戒比丘食已無自恣請故便從座起持菩闍尼食佉隨尼食喚來共食持戒比丘不憶不囑食便共噉食破戒比丘言長老汝得波逸提罪問言何等波逸提荅言汝食已無自恣請便噉食持戒比丘言汝知我食已便無自恣請者何故喚我食耶荅言汝常數數出我罪時我作是念何時見汝犯罪當即出之是故見汝食已無自恣請欲相惱故勸汝令食是中自比丘少欲知足行頭陀聞是事

心不喜種種因緣呵責云何名比丘知他食已
無自恣請欲相惱故勸教令食種種呵已向
佛廣說佛以是事集比丘僧知而故問是比
丘汝實作是事不荅言實作世尊佛以種種
因緣呵責云何名比丘知他食已自恣請欲
相惱故勸教令食佛種種因緣呵已語諸比丘
以十利故與諸比丘結戒從今是戒應如是說
若比丘知他食已無自恣請欲相惱故勸令食
菩闍尼佉他尼以是因緣無異者波逸提知
者若比丘自知若從他知若彼比丘自說噉
者五種佉他尼五種菩闍尼五種似食勸令
食者勤勤令食惱者以瞋恚心出其過罪波

逸提者煮燒覆障若不悔過能障礙道是中
犯者若比丘見餘比丘食竟無自恣請教噉根
食莖葉磨食菓食若教食五種菩闍尼飯麩糲
魚肉若教食五似食糜粟麩麥莠子加師小
麥飯者皆波逸提復有比丘教餘比丘非時
噉五種佉陁尼若彼噉者俱波逸提復有比
丘教餘比丘非時食五種菩闍尼若彼食者
俱波夜提有比丘教餘比丘偷奪他物若偷
奪者隨物俱得罪有比丘教餘比丘汝奪人
命若奪命者俱波羅夷若比丘教餘比丘殺
生草木若殺者俱波逸提若比丘教餘比丘
拽他出房若拽出者俱波逸提若比丘教餘

比丘強敷卧具若敷者俱波逸提若比丘教
餘比丘用有垂水灑草澆泥若用者俱波逸
提若比丘教餘比丘取有垂水飲若飲者俱
波逸提若比丘教餘比丘與裸形外道男女
飲食若與者俱波逸提若比丘教餘比丘空
地然火若然者俱波逸提若比丘教餘比丘
自手取金銀若取者俱波逸提若比丘教餘
比丘奪畜生命若奪者俱波逸提若比丘教
餘比丘藏是比丘衣鉢若藏者俱波逸提若比
丘教餘比丘自手掘地若掘者俱波逸提若
比丘教餘比丘噉殘宿食若彼噉者俱波逸
提

云大比丘未手受食而共宿者名曰內宿敢
此食者突吉羅已手受舉共宿者名殘宿食

敬此食者波逸
提三十五事竟

佛在王舍城尔時阿闍世王諸大臣將師信
敬調達是諸人民為助調達比丘作供養前
食後食怛鉢那諸有年少比丘出家不久者
調達以鉢鈎鉢多羅大捷瓷小捷瓷衣鈎禪鎮
繩帶匙筋鉢支扇盖革屣隨比丘所須物皆
用誘誑之調達自共百比丘或二百三百四
百五百比丘恭敬圍遶入王舍城別受好供
養前食後食怛鉢那諸有上座長老比丘得
佛法味久修梵行是諸比丘入城乞食得宿
冷飯或得不得或得臭麩或不得如是麁食
或飽或不飽是中有比丘少欲知足行頭陀

聞是事心不喜種種因緣呵責云何名比丘
自共百人二百三百四百五百比丘恭敬圍
遶別受供養前食後食怛鉢那諸有上座長
老比丘得佛法味久修梵行是諸比丘入城
乞食得宿冷飯或得不得或得臭麩或不得
如是麁食或飽或不飽種種因緣呵已向佛

廣說佛以是事集比丘僧佛以種種因緣呵
責云何名比丘自共百人二百三百四百五
百比丘恭敬圍遶別受供養前食後食
怛鉢那諸上座長老比丘得佛法味久修梵
行是諸比丘入城乞食得宿冷飯或得或不
得或得臭麩或不得如是麁食或飽或不飽

佛種種因緣呵已語諸比丘從今以二利因緣故遮別眾食聽三人共食一利者隨護檀越以憐愍故二者破諸惡欲比丘力勢故莫令惡欲人別作眾別作法與僧共諍以十利故與諸比丘結戒從今是戒應如是說

若比丘別眾食波逸提別眾食者極少乃至四比丘共一處食波逸提者煮燒覆障若不悔過能障礙道是中犯者若四比丘別眾食波逸提若三比丘別共一處食第四人取食分不犯

佛在王舍城爾時諸病比丘以乞食因緣故苦惱疲悴城中有居士見已問言汝等苦惱耶荅

言苦惱何因緣故答言我等有病以乞食因緣故苦惱諸居士言汝等病者我今請汝諸有病者來我舍食諸比丘言佛未聽病因緣故別衆食諸比丘不知云何是事白佛佛以是事集比丘僧種種因緣讚戒讚持戒讚戒讚持戒已語諸比丘從今聽諸病比丘別衆讚持戒已語諸比丘從今聽諸病比丘別衆食從今是戒應如是說

若比丘別衆食除因緣波逸提因緣者病時病者

若比丘風盛冷盛熱盛除是因緣名爲不病是中犯者

若比丘無病別衆食波逸提病者不犯

佛在舍衛國介時諸比丘作衣時到是諸比丘
早起求染衣具薪草煮染漉出揚冷出所染
衣如是中間食時轉近行乞食不得因是苦
惱城中有居士見已問言汝等苦惱耶荅言
苦惱何因緣故我等作衣時到早起求染衣
具薪草煮染漉出揚冷出是染衣如是中間
食時轉近乞食不得以是因緣故苦惱諸居
士言我今請汝諸作衣者來我舍食諸比丘
言佛未聽我爲作衣故別衆食諸比丘不知云
何是事白佛佛以是事集比丘僧種種因緣
讚戒讚持戒讚戒讚持戒已語諸比丘從今
聽諸比丘作衣時到諸作衣者別衆食從今

是戒應如是說若比丘別衆食波逸提除因緣因緣者病時作衣時是中犯者若比丘作衣時未到別衆食波逸提作衣時到別衆食不犯

佛在舍衛國介時諸比丘從憍薩羅國遊行向舍衛城彼國地平諸聚落遠遠遙看似近諸比丘欲從前聚落乞食至聚落時日已中到當乞食時日已過中諸比丘時食故苦惱是聚落中諸居士見已問比丘言汝等苦惱耶荅言苦惱何因緣故我從憍薩羅國向舍衛城遙看聚落謂是近欲至乞食至乞食時日便過中不得食故苦惱諸居士言我今請汝等諸

欲行者來我舍食諸比丘言佛未聽行因緣
故別衆食諸比丘不知云何是事白佛佛以
是事集比丘僧種種因緣讚戒讚持戒讚戒
讚持戒已語諸比丘從今聽諸行比丘別衆
食從今是戒應如是說若比丘別衆食波逸
提除因緣因緣者病時作衣時行時行者極

從十誦律卷十三

近至半由延若往若來是中犯者若比丘昨
日來今日食者波逸提明日行今日食波逸
提即日行極少半由延若往若來若別衆食不犯
佛在舍衛國尔時諸比丘從憍薩羅國載船
向舍衛國是船行近聚落時諸比丘語船師
言迴船向岸我欲乞食即迴船向岸諸比丘

出船入聚落家家求食已出聚落食食已洗
手洗口洗鉢卷衣著囊中如是中間船去已
遠諸比丘即從步道行逐船值師子難虎豹
難熊羆難從非道去有棘刺竹刺刈草刺走
逐船時脚痛苦惱是岸上有居士見已問比
丘言汝苦惱耶荅言苦惱何因緣故我等先
載船向舍衛國船近聚落我等語船師言迴
船向岸我欲乞食即時向岸我等出船入聚
落家家求食已出聚落食食已洗手洗口洗
鉢卷衣著囊中尔時船已去遠即從步道行逐
船值師子難虎豹難熊羆難若從非道行有
棘刺竹刺刈草刺走逐船脚痛苦惱諸居士

言我今請汝等諸船行者來我舍食諸比丘言
佛未聽我船行因緣故別衆食諸比丘不知
云何是事白佛佛以是事集比丘僧種種因
緣讚戒讚持戒讚戒已語諸比丘從
今聽諸船行比丘別衆食從今是戒應如是
說若比丘別衆食波逸提除因緣因緣者病
時作衣時道行時船行時船行者極近至半
由延若往若來是中犯者

若比丘昨日來今日食者波逸提明日行今
日食者波逸提即日行極少半由延若往若
來別衆食不犯

佛在王舍城介時王舍城內有大衆集佛與

千二百五十比丘俱是中諸比丘入城乞食
諸居士但能與二三比丘食更不能與即閉
門言是極多誰能爲與後來比丘乞食不得
故苦惱有居士見已問比丘言汝等苦惱耶
荅言苦惱何因緣故諸比丘言是王舍城有
大衆集故諸比丘前乞食者二三比丘得諸居
士即閉門言是極多誰能爲與我等後來乞
食不得是故苦惱諸居士言我今請汝諸有
大衆集因緣者來我舍食諸比丘言佛未聽
大衆集因緣故別衆食諸比丘不知云何以
是事白佛佛以是事集比丘僧種種因緣讚
戒讚持戒讚戒讚持戒已語諸比丘從今聽

諸比丘有大衆集因緣者別衆食從今是戒
應如是說

若比丘別衆食波逸提除因緣因緣者病時
作衣時道行時船行時大衆集時大衆集者
極少乃至八人四舊比丘四客比丘共集以
是因緣故令聚落中諸居士不能供給諸比
丘飲食是中犯者

若比丘減八人集時別衆食波逸提若八人
若過八人集時不犯

佛在王舍城介時瓶沙王舅於阿耨維外道
中出家是舅作是念我外甥瓶沙王深敬佛
及弟子我爲是王故當請佛及弟子作一食

是外道便入王舍城求米麵胡麻小豆諸居士問言欲作何等荅言我外甥深敬佛我欲令歡喜故欲請佛及弟子作一食諸居士信佛法故多與米麵得已出城見一比丘即便語言汝能爲我請佛及尔所弟子明日至我舍食不比丘荅言佛未聽我等受沙門別衆食彼言俱是出家人何故不聽有何不可我亦不敬汝等但爲外甥敬佛欲令歡喜故爲汝等作食時外道作是念我當辦具飲食若佛與弟子來者當與若不來者當用作酒自飲是比丘不知云何以是事白佛佛以是事集比丘僧種種因緣讚戒讚持戒讚戒讚持

戒已語諸比丘從今聽沙門因緣故別衆食
從今是戒應如是說

若比丘別衆食波逸提除因緣因緣者病時
作衣時道行時船行時大衆集時沙門請時
沙門者名阿耆維尼犍子老弟子略說除佛
五衆諸餘出家人皆名沙門是中犯者
不犯食者波逸提

若沙門請比丘白衣手持食與是比丘受請
若白衣請比丘沙門手持食與是比丘受請
故突吉羅食者不犯

若白衣請比丘白衣手持食與受請故突吉
羅食者波逸提不犯者若沙門請沙門手持

食與若受請若食不犯

三十一
六事

佛在舍衛國。爾時節日至。諸居士辦種種好飲食。出城入園林中。爾時十七群比丘自相謂言。可共到彼園中看去。皆言可。爾即自洗浴。莊嚴面目。香油塗髮。著新淨衣。到園林中。一處立看。是十七群比丘。端正姝好。多人敬愛。諸居士見。共相謂言。看是諸出家少年。端正姝好。皆言實。爾諸居士歡喜。故持種種好酒食。與言。汝能噉不。答言。汝等尚能。我何以不能。是十七群比丘。多得飲食。已醉亂迷。悶食後。搖頭掉臂。向祇洹作。是言我等今日極好快樂。有福德。無有衰惱。爾時諸比

丘在祇洹門間空地經行聞是音聲諸比丘
問言汝今何故言我等今日極快樂有福德無
有衰惱時十七群比丘即廣說上事是中有
比丘少欲知足行頭陀聞是事心不喜種種
因緣呵責云何名比丘非時飲食種種因緣
呵已向佛廣說佛以是事集比丘僧知而故
問十七群比丘汝實作是事不答言實作也
尊佛種種因緣呵責十七群比丘言云何名比
丘非時飲食種種因緣呵已語諸比丘以十
利故與諸比丘結戒從今是戒應如是說
若比丘非時噉食波逸提非時者過日中至
地未了是中間名非時噉者五種法陀尼食

者五種菩闍及五似食波逸提者煮燒覆障
若不悔過能障礙道是中犯者

若比丘非時噉根食波逸提若噉莖葉磨菓
皆波逸提

若比丘非時食飯麩糲魚肉皆波逸提

若比丘非時食五似食糜粟麴麥莠子加師

皆波逸提

若比丘非時中非時想食波逸提非時中時

想食波逸提非時中疑食波逸提若時中非

時想食突吉羅時中疑食突吉羅時中時想

食不犯

三十一事

佛在舍衛國尔時有比丘名曰上勝受乞食

法是人日日乞二分食一分即噉一分持還
至自房舍著石上曬明日洗手從淨人受噉
尔時佛共阿難遊行諸比丘房舍到是上勝
比丘房所見石上曬飯佛知故問阿難是石
上阿誰曬飯阿難答言世尊是房中有比丘
名上勝受乞食法乞二分食一分即噉一分

名上勝受乞食法

持來著石上曬明日洗手從淨人受噉是故
曬飯佛問阿難諸比丘噉舉宿殘食耶答言
實敢佛以是事集比丘僧知而故問上勝比
丘言汝實作是事不答言實作世尊佛種種
因緣呵責云何名比丘噉舉宿殘食種種因
緣呵已語諸比丘以十利故與諸比丘結戒

從今是戒應如是說

若比丘舉殘宿佉毘舍尼者波逸提
舉殘食宿者若大比丘今日手所受食舉至
明日名舉殘食宿食者五種佉毘舍尼五種菩
闍厘五似食波逸提者煮燒覆障若不悔過
能障礙道是中犯者

若比丘噉舉宿殘根食者波逸提若噉莖葉
磨菓皆波逸提若食舉宿殘飯麩糲魚肉皆
波逸提若食舉宿殘糜粟麩麥莠子加師飯
皆波逸提

若比丘樹生淨地垂在不淨地若菓墮不淨
地若比丘內宿噉是菓者突吉羅若樹生不

淨地垂在淨地若菓墮淨地若比丘以草竹
葉以瓦取是菓舉宿明日噉者波逸提

若比丘樹生淨不淨地若菓墮竹上若墮維
多羅枝上磨留多枝上取是菓內宿噉者突

吉羅

淨地法佛在時已
捨三十八事竟

佛在舍衛國介時長老摩訶迦羅受一切糞
掃物法是人持糞掃僧伽梨鬱多羅僧安陁
衛糞掃鉢糞掃杖糞掃革徒糞掃食

云何持糞掃僧伽梨若巷中若死人處糞掃
中有段弊衣取持水上淨浣治作僧伽梨鬱多
羅僧安陁衛亦如是糞掃鉢者若巷中死人
處糞掃中有棄弊器取持水中洗治受用糞

掃杖者若巷中死人處糞掃中有棄杖取持
水上洗治畜用糞掃革屣者若巷中死人處
糞掃中有棄革屣取持水上淨洗縫治畜用
糞掃食者若巷中死人處糞掃中有棄蘿蔔
葉胡荽葉蘿勒葉若臭糞自手取持至水上
淨洗治已便食是名糞掃食是比丘長受
死人處住法樂住死人處若國中有疫病死
時便不入此城求食但噉送死人所棄飲食
若無疫病死時則入城求食是比丘身體肥
大多脂血肉強壯多力是比丘一時入城求
食守門人見作是念言是比丘有疫病死時不
來入城求食無疫病死時便來入城是比丘身體

肥大多脂血肉強壯多力此人必噉人肉一人語二人二人語三人如是展轉惡名流布備舍衛城言沙門釋子噉人肉是中有比丘少欲知足行頭陀聞是事心不喜向佛廣說佛以是事集比丘僧種種因緣呵責云何名比丘不從他受飲食著口中佛但呵責而未結戒是長老摩訶迦羅得世俗禪定受死人處住法樂住死人處亦時舍衛國有一居士親里死送向死人住處諸居士見此比丘言此是噉人比丘我等今日送是死人親里去後必當爲比丘所噉棄死人已諸居士屏處立看是比丘作是念是中所有菜葉乾糲莫令烏

鳥來汗即起往守諸居士言是比丘起已必
捉死人噉肉諸居士定謂沙門釋子噉人肉
一人語二人二人語三人如是展轉惡名流
布滿舍衛城沙門釋子實噉人肉是中有比
丘少欲知足行頭陀聞是事心不喜向佛廣
說佛以是事集比丘僧種種因緣呵責云何

名比丘不受食著口中種種因緣呵已語諸
比丘以十利故與諸比丘結戒從今是戒應
如是說若比丘不受食著口中波逸提不受食
者不從男女黃門二根人受波夜提者煮燒
覆障若不悔過能障礙道是中犯者若比丘
不受飲食著口中波逸提隨尔所著口中口

口波逸提。佗時諸比丘聞佛結戒欲洗口。須水。楊枝。求淨人受。不時得。辛苦。諸比丘以是事。白佛。佛以是事。集比丘僧。種種因緣。讚戒。讚持戒。讚戒。讚持戒。已語諸比丘。從今是戒。應如是說。若比丘不受食著口中。除水及楊枝。波逸提。是中犯者有五種。若是食非時。不與不受。不作淨。不淨。非時者。過日中。後至地未了。是名非時。不與者。若男女黃門二根人。不與。是名不與。不受者。不從他受。若男女黃門二根人受。是名不受。不作淨者。不作火淨。刀淨。爪淨。鬚。鵠。鷓。紫淨。是名不作淨。不淨者是飲食不淨。若與不淨食。和合。若比丘非時不

與不受不作淨不淨噉此食者五種罪若時不
與不受不作淨不淨噉此食者四罪若時與
不受不作淨不淨噉此食者三罪若時與受
不作淨不淨噉此食者二罪若時與受作淨
不淨噉此食者一罪若時與受作淨淨噉此
食者不犯不淨食中噉舉殘宿不淨食波逸提
人肉不淨偷蘭遮大比丘手觸不淨噉者突
吉羅

三十九事

佛在迦維羅衛國今時摩訶男釋往詣佛所
頭面禮足一面坐佛以種種因緣示教利喜示教
利喜已默然摩訶男釋聞佛種種因緣示教利喜
已從座起合掌白佛言願佛及僧受我請明日

食佛默然受知佛受已禮佛足右遶而去還
自舍通夜辦種種多美飲食煮藥草乳汁辦
已早起敷座處遣使白佛食具已辦唯聖知
時佛及衆僧往入其舍就座而坐摩訶男釋
見佛坐已自手行水自手與粳米飯香藥乳
汁亦時六群比丘以藥乳汁澆粳米飯盛滿
鉢置在前更望得摩訶男釋作是念誰食誰
不食誰少誰不少作是念已便看見六群比
丘盛滿鉢乳汁澆飯在前不食問何故不食
答言有生乳不摩訶男釋言是藥草乳汁香
美並食有生乳者當更相與又問有酪不有
熟酥有生酥有油魚肉脯不答言是乳香美

用好藥草煮並可用食有酪熟酥生酥油魚
肉脯者當與諸六群比丘瞋語摩訶男釋言汝欺
佛誑佛及僧是妄語人汝若不能辦好飲食者
何以請佛及僧若餘人請者當隨意與多美
飲食如是熟乳何處不得是摩訶男釋性善
不瞋不驚諸行食人嫉妬瞋言沙門釋子自
言善好有功德是摩訶男釋深敬信佛及僧
云何於大衆中訶罵佛見諸比丘作是惡事
爲諸白衣所訶見已默然今時摩訶男釋以
多美飲食與衆僧自恣飽滿見舉鉢已自手
行水取小床坐佛前欲聽說法佛以種種因
緣說法示教利喜示教利喜已從座起去

時佛食後以是事集比丘僧以種種因緣呵責六群比丘云何名比丘是摩訶男釋深敬佛法衆僧以現前麁語呵罵種種因緣呵已語諸比丘以十利故與諸比丘結戒從今是戒應如是說

若比丘不病白衣家中有如是美食乳酪生酥熟酥油魚肉脯自爲身索如是食者波逸提家者白衣舍名家美飲食者乳酪生酥熟酥油魚肉脯病者風盛冷盛熱盛若無是三種名不病波逸提者煮燒覆障若不悔過能障礙道是中犯者若比丘不病自爲身索乳得者波逸提不得者突吉羅又比丘不病自

為索酪生酥熟酥油魚肉脯得者波逸提不
得者突吉羅若比丘不病自為索飯羹菜得
者突吉羅不得者亦突吉羅若索酪汁酪漿
酪滓得者突吉羅不得者亦突吉羅不犯者
若病若親里若先請若不索自與不犯事四十一

十誦律卷第十三

從

睽

郎代反

眇

尺小反

禿

他谷反

弊

毗祭反

佉

丘迦反

蘿菔

下蒲北反

胡荽

下音雖亦作荽

縻縻

密甲反

麴

俱猛反

莠子

上音

歠

昌悅反

拽

羊列反

將帥

上率類反

去聲

下瓷

疾咨

上音

熊羆

下音

革屣

下所綺反

誘豹

必教

唯策

子委反

棘刺

上居力反

賜

反

刈魚計

外甥

下音生

掉臂

上徒反

爪

之

作

巧反

滓

側

史



